

## ოქმი N3

ხობის მუნიციპალიტეტის საკრებულოს მესამე მოწვევის სხდომისა

ქ. ხობი

2017 წლის 31 იანვარი

საკრებულოს წევრთა კანონით დადგენილი რაოდენობა - 36

საკრებულოს უფლებამოსილ წევრთა რაოდენობა - 36

რეგისტრაცია გაიარა საკრებულოს 23 წევრმა (რეგისტრაციის ფურცელი ოქმს თან ერთვის)

საკრებულოს სხდომაზე დამსწრე წევრთა რაოდენობა - 23 (დამსწრეთა სია ოქმს თან ერთვის)

საკრებულოს სხდომაზე დამსწრე საზოგადოების წარმომადგენელთა სია ოქმს თან ერთვის

საკრებულოს სხდომას თავმჯდომარეობდა ედიშერ ჯობავა - საკრებულოს თავმჯდომარე

### დღის წესრიგი:

1. „ხობის მუნიციპალიტეტის 2017 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2016 წლის 28 დეკემბრის N25 დადგენილებაში ცვლილების შეტანის თაობაზე“ დადგენილების პროექტის განხილვა;

(მომხსენებელი: გ. ქაჯაია - ხობის მუნიციპალიტეტის გამგებელი;

თანამომხსენებელი: დ. ჭოჭუა - ხობის მუნიციპალიტეტის გამგეობის

საფინანსო-საბიუჯეტო სამსახურის უფროსი);

2. „ქალაქ ხობში ავტოსატრანსპორტო საშუალებების მოძრაობის რეგულირებისა და საგზაო ნიშნების განთავსების შესახებ“ დადგენილების პროექტის თაობაზე;

(მომხსენებელი: გ. ქაჯაია - ხობის მუნიციპალიტეტის გამგებელი;

თანამომხსენებელი: ზ. ბუკია - ხობის მუნიციპალიტეტის გამგეობის ინფრასტრუქტურის,

ურბანული განვითარებისა და არქიტექტურის სამსახურის უფროსი);

3. „ხობის მუნიციპალიტეტის გამგებლისათვის ა(ა)იპ „ხობის მუნიციპალიტეტის განათლების ცენტრის“ ბალანსზე რიცხული ამორტიზებული ქონების ჩამოწერაზე თანხმობის მიცემის შესახებ“ განკარგულების პროექტის განხილვა;

(მომხსენებელი: გ. ქაჯაია - ხობის მუნიციპალიტეტის გამგებელი;

თანამომხსენებელი: ა. ვარდია - ხობის მუნიციპალიტეტის გამგეობის ეკონომიკური

განვითარებისა და ქონების მართვის სამსახურის უფროსი);

4. „სოფლის მხარდაჭერის პროგრამის ფარგლებში განსახორციელებელი პროექტების შესახებ ხობის მუნიციპალიტეტის საკრებულოს 2016 წლის 7 მარტის N26 განკარგულებაში ცვლილებების შეტანის თაობაზე“ განკარგულების პროექტის განხილვა;

(მომხსენებელი: გ. ქაჯაია - ხობის მუნიციპალიტეტის გამგებელი;  
თანამომხსენებელი: ზ. ბუკია - ხობის მუნიციპალიტეტის გამგეობის ინფრასტრუქტურის, ურბანული განვითარებისა და არქიტექტურის სამსახურის უფროსი);

5. „ხობის მუნიციპალიტეტის საკრებულოს 2017 წლის სამუშაო გეგმის დამტკიცების შესახებ“ განკარგულების პროექტის განხილვა.

(მომხსენებელი: ნ. შუშანია - ხობის მუნიციპალიტეტის საკრებულოს სამანდატო - საპროცედურო საკითხთა კომისიის თავმჯდომარე)

კენჭი ეყარა დღის წესრიგის წარმოდგენილ ვარიანტს

კენჭისყრას ესწრებოდა საკრებულოს 23 წევრი

კენჭისყრის შედეგები:

მომხრე – 21, წინააღმდეგი – 0

(კენჭისყრას არ ესწრებოდნენ: თ. გულუა, ლ. ლოლუა)

დაადგინეს: დღის წესრიგი დამტკიცდეს წარმოდგენილი სახით

## **დღის წესრიგით გათვალისწინებულ საკითხთა განხილვა**

1. „ხობის მუნიციპალიტეტის 2017 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2016 წლის 28 დეკემბრის N25 დადგენილებაში ცვლილების შეტანის თაობაზე“ დადგენილების პროექტის განხილვა;

(მომხსენებელი: გ. ქაჯაია - ხობის მუნიციპალიტეტის გამგებელი;  
თანამომხსენებელი: დ. ჭოჭუა - ხობის მუნიციპალიტეტის გამგეობის საფინანსო-საბიუჯეტო სამსახურის უფროსი)

მოისმინეს: დ. ჭოჭუა - მომხსენებელმა საკრებულოს წევრებს გააცნო დადგენილების პროექტი „ხობის მუნიციპალიტეტის 2017 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2016 წლის 28 დეკემბრის N25 დადგენილებაში ცვლილების შეტანის თაობაზე“

სხდომის თავმჯდომარემ მიმართა საკრებულოს წევრებს, გამოეთქვათ შენიშვნები და მოსაზრებები წარმოდგენილ საკითხთან დაკავშირებით.

აზრი გამოთქვეს: ე. წურწუშია - გამომსვლელმა განაცხადა, რომ კულტურის სახლში მიმდინარეობს სარემონტო სამუშაოები, ახალ გარემონტებული სახურავიდან კი წყალი



ჩამოდის. მისი განცხადებით, რა აზრი აქვს პირველი და მეორე სართულის რემონტს თუ წვიმამ გააფუჭა. დაინტერესდა, თუ რა მექანიზმი გააჩნდა საკრებულოს, რომ მუნიციპალიტეტში მშენებარე ობიექტების ხარისხი გაეკონტროლებინა. გამომსვლელი მიესალმება იმ ფაქტს, რომ მუნიციპალიტეტში ინფრასტრუქტურული პროექტები ხორციელდება, მაგრამ დაინტერესდა ვინ აგებდა პასუხს მშენებლობის ხარისხზე?

ე. ჯობავა - განაცხადა, რომ ინფრასტრუქტურული პროექტების ხარისხზე პასუხისმგებელია გამგეობის შესაბამისი სამსახური და გამგეობაში არსებული კონტროლის ჯგუფი და თუ რაიმე დარღვევა გამოვლინდება, ხელს არავის დააფარებენ და კანონის შესაბამისად დაისჯება ის, ვინც დაარღვევს ხელშეკრულებით გათვალისწინებულ პირობებს. იქვე მიმართა გამგეობის ეკონომიკისა და ინფრასტრუქტურის ხელმძღვანელს (ზ. ბუკია), წარმოედგინა ინფორმაცია ინფრასტრუქტურული პროექტებთან დაკავშირებით და პრობლემის არსებობის შემთხვევაში ჩაერთო საკრებულოს შესაბამისი კომისიის წევრებიც.

ზ. ბუკია - განაცხადა, რომ რაც შეეხება, კულტურის სახლის გადახურვას, მისი ჩაბარება მოხდა გამგეობის შესაბამისი სამსახურის მიერ, სამხარაულის დასკვნის საფუძველზე. სამუშაოების შემსრულებელ ფირმასთან, არსებობს სამწლიანი გარანტია, არსებული პრობლემის შესახებ ეცნობება მას და დროულად იქნება შეკეთებული.

მ. ქარდავა - გამომსვლელი დაინტერესდა, ღირდა თუ არა ქ. ხობში კოსტავას ქუჩაზე მდებარე, მრავალსართულიანი საცხოვრებელი სახლის სახურავის რეაბილიტაცია, რადგანაც მისი განმარტებით იქ არავინ არ ცხოვრობდა ამჟამად.

ე. წურწუშია - დაეთანხმა წინა გამომსვლელს და აღნიშნა, რომ სახურავის რეაბილიტაცია არ იქნებოდა მართებული, რადგანაც შენობა რემონტს არ ექვემდებარებოდა და მისი აზრით უმჯობესი იქნებოდა შენობის დემონტაჟი.

ნ. შუშანია - გამომსვლელი არ დაეთანხმა წინა გამომსვლელს და განაცხადა, რომ აუცილებლად სახურავს რეაბილიტაცია უნდა განხორციელდეს, რადგანაც იმ შენობაში ცხოვრობს რამოდენიმე მოსახლე. მისი განცხადებით შენობის დემონტაჟი რომ მოხდეს, მაშინ იქ მცხოვრები მოქალაქეები დარჩებიან ღია ცის ქვეშ.

დებატების დასრულების შემდგომ სხდომის თავმჯდომარემ სთხოვა საფინანსო-სარევიზიო კომისიის თავმჯდომარეს (ტ. ალექსანდრია) წარმოედგინა კომისიის დასკვნა განსახილველ საკითხთან დაკავშირებით

ტ. ალექსანდრია - გამომსვლელმა საკრებულოს წევრებს გააცნო კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ დადგენილების პროექტით მუნიციპალიტეტის ბიუჯეტში ხორციელდება შემდეგი სახის ცვლილება: მცირდება ბიუჯეტის ხარჯები, „სოციალური დახმარება“-ს ეკონომიკური

კლასიფიკაციის მუხლის „სოციალური დახმარება“ ასიგნება. ნაშთიდან ადგილობრივი ბიუჯეტის ასიგნებებში აისახება 1115,5 ათასი ლარი. სულ 1130,5 ათასი ლარი მიიმართება შემდეგ ღონისძიებათა დასაფინანსებლად: 1,2 ათასი ლარი საკრებულოს ასიგნებებზე; 19,7 ათასი ლარი გამგეობის ასიგნებებზე; 1107,8 ათასი ლარი მიიმართება პრიორიტეტის „ინფრასტრუქტურის მშენებლობა, რეაბილიტაცია და ექსპლუატაცია“ ასიგნებებზე, აქედან, 232,7 ათასი ლარი - ქვეპროგრამის „გზების მშენებლობა, რეაბილიტაცია და ექსპლუატაცია“ ასიგნებებზე; 1,0 ათასი ლარი - ქვეპროგრამის „ხოდების, ხიდ-ბოგიერების მშენებლობა, რეაბილიტაცია და მოვლა-შენახვა“ ასიგნებებზე; 30,0 ათასი ლარი - ქვეპროგრამის „წყლის სისტემის რეაბილიტაცია და ექსპლუატაცია“ ასიგნებებზე; 777,6 ათასი ლარი მიიმართება ქვეპროგრამის „მუნიციპალიტეტში არსებული აქტივების რეაბილიტაცია“ ასიგნებებზე; 45,0 ათასი ლარი - ქვეპროგრამის „სანიაღვრე არხების მშენებლობა, რეაბილიტაცია და ექსპლუატაცია“ ასიგნებებზე; 21,5 ათასი ლარი - პროგრამის „სოფლის მხარდაჭერის პროგრამა“ მუხლის „არაფინანსური აქტივების ზრდა“ ასიგნებებზე; 1,8 ათასი ლარი ქვეპროგრამის „მოსწავლე-ახალგაზრდობის კლასგარეშე და სკოლის გარეშე მუშაობის ხელშეწყობის პროგრამა“ ასიგნებებზე. ხობის მუნიციპალიტეტის ადგილობრივი ბიუჯეტით გამოყოფილი ასიგნების გადანაწილების წესის დამტკიცების შესახებ“ ხობის მუნიციპალიტეტის საკრებულოს 2015 წლის 30 აპრილის N15 დადგენილების შესაბამისად ხობის მუნიციპალიტეტის 2017 წლის დამტკიცებულ ბიუჯეტში ხობის მუნიციპალიტეტის გამგებლის ბრძანებებით მხარჯავი დაწესებულებებისათვის ადგილობრივ ბიუჯეტით გამოყოფილ ასიგნებებში ეკონომიკური კლასიფიკაციის მუხლებს შორის განხორციელებულია სხვადასხვა გადანაწილებები. ბიუჯეტის მთლიანი მოცულობა, ანუ შემოსულობების გეგმა შეადგენს 8243,8 ათას ლარს. გამომსვლელის განცხადებით, დადგენილების პროექტი მომზადებულია კანონის მოთხოვნათა გათვალისწინებით, სერიოზული ხასიათის შენიშვნები არ გააჩნია და კომისიას მიზანშეწონილად მიაჩნია პროექტის წარმოდგენილი სახით დამტკიცება.

კენჭი ეყარა წარმოდგენილ დადგენილების პროექტს

კენჭისყრას ესწრებოდა საკრებულოს 21 წევრი

კენჭისყრის შედეგები:

მომხრე – 21, წინააღმდეგი – 0

(კენჭისყრას არ ესწრებოდნენ: კ. ლატარია, თ. გულუა)

გადაწყვეტილება მიღებულია

(დადგენილება N1 ოქმს თან ერთვის)



2. „ქალაქ ხობში ავტოსატრანსპორტო საშუალებების მოძრაობის რეგულირებისა და საგზაო ნიშნების განთავსების შესახებ“ დადგენილების პროექტის თაობაზე;

(მომხსენებელი: გ. ქაჯაია - ხობის მუნიციპალიტეტის გამგებელი;

თანამომხსენებელი: ზ. ბუკია - - ხობის მუნიციპალიტეტის გამგეობის ინფრასტრუქტურის, ურბანული განვითარებისა და არქიტექტურის სამსახურის უფროსი)

მოისმინეს: ზ. ბუკია - მომხსენებელმა საკრებულოს წევრებს გააცნო დადგენილების პროექტი „ქალაქ ხობში ავტოსატრანსპორტო საშუალებების მოძრაობის რეგულირებისა და საგზაო ნიშნების განთავსების შესახებ“

სხდომის თავმჯდომარემ მიმართა გამგეობის წარმომადგენლებს, საკითხები საკრებულოში დროულად იქნეს წარმოდგენილი, რათა საკითხები წინასწარ იყოს განხილული კომისიებში და ფრაქციებში. იმედი გამოთქვა, რომ გაითვალისწინებენ მის შენიშვნას და მომავალში, მინიმუმ ორი დღით ადრე იქნება საკითხები წარმოდგენილი საკრებულოში. ხოლო რაც შეეხება წარმოდგენილ დადგენილების პროექტს „ქალაქ ხობში ავტოსატრანსპორტო საშუალებების მოძრაობის რეგულირებისა და საგზაო ნიშნების განთავსების თაობაზე“, მაღლობა გადაუხადა შსს ხობის რაიონული სამმართველოს ხელმძღვანელობას ჩართულობისთვის, ასევე მაღლობა გადაუხადა ქ. ხობის მაჟორიტარ დეპუტატს ირაკლი (დაჩი) ბერაიას, რომელმაც დიდი როლი ითამაშა, ერთმანეთში დაპირისპირებული ტაქსის მძღოლებისა და ყოფილი „უნივერსალის“ შენობაში განთავსებულ სავაჭრო ობიექტებში მომუშავე პირებს შორის არსებული კონფლიქტის მოგვარებაში, რომლებსაც სხვადასხვა წინადადებები გააჩნდათ მარეგულირებელ საგზაო ნიშნთან დაკავშირებით.

ლ. ქავთარაძე - გამომსვლელმა მაღლობა გადაუხადა მაჟორიტარ დეპუტატს ირაკლი (დაჩი) ბერაიას გამწვავებული სიტუაციის დარეგულირებისთვის. მან ასევე ისაუბრა სანაპიროს ქუჩის მცხოვრებთა პრეტენზიებთან დაკავშირებით, და განაცხადა, რომ მთლად ისე ნუ გააკეთებენ, აღნიშნულ ქუჩაზე „კამაზის“ ტიპის ავტომანქანებსაც აეკრძალოთ მოძრაობა. ასევე ყურადღება გაამახვილა, საგზაო ნიშნების დამზადებასთან დაკავშირებით და აღნიშნა, რომ უმჯობესი იქნებოდა დაემზადებინთ, საღებავით შესრულებული ფირნიშები, რადგანაც ფირნიშებზე დაწებებული სტიკერების მალევე ზიანდება, რის შემდგომაც რა ტიპის საგზაო ნიშანია განთავსებული.

ე. წურწუშია - გამომსვლელი გამოეხმაურა მოსახლეობის მხრიდან გამოთქმულ პრეტენზიებს და საგზაო ნიშნების შეცვლას და განაცხადა, რომ ასე არ უნდა ხდებოდეს საგზაო ნიშნების ცვლილება, ვისაც როგორც მოეპრიანება, მისი აზრით ასეთი მიდგომა არ

გამართლებს, რადგანაც რამოდენიმე ხნის შემდეგ შეიძლება სხვას არ მოეწონოს და მოუნდეს საგზაო ნიშნების შეცვლა.

შ. ჭილაია, მ. ქარდავა - გამომსვლელებმა აღნიშნეს, რომ „კამაზის“ ტიპის ავტომანქანები ვერ შეძლებენ აღნიშნულ გზაზე მოძრაობას, თუ დამონტაჟდება საგზაო ნიშანი „ღერძზე დატვირთვით შეზღუდვა“ 5 ტონაზე ზემოთ სატრანსპორტო საშუალებათა მოძრაობა აკრძალულია.

სხდომის თავმჯდომარემ სთხოვა ეკონომიკური განვითარების საკითხთა კომისიის თავმჯდომარეს (გ. სიჭინავა) წარმოედგინა კომისიის დასკვნა განსახილველ საკითხთან დაკავშირებით

გ. სიჭინავა - გამომსვლელმა საკრებულოს წევრებს გააცნო კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის გამგეობის განმარტებით, გამგეობაში შევიდა ქალაქ ხობში თამარ მეფის ქუჩის მცხოვრებთა და ყოფილი „უნივერმალის“ სავაჭრო ობიექტებზე მომუშავე პირთა კოლექტიური განცხადება ქალაქში მოძრაობის მოწესრიგების მიზნით საგზაო ნიშნების განთავსების თაობაზე. გამგეობის ინფრასტრუქტურის, ურბანული განვითარებისა და არქიტექტურის სამსახურის მიერ შესწავლილ იქნა საკითხი და მომზადდა დადგენილების პროექტი „ქალაქ ხობში ავტოსატრანსპორტო საშუალებების მოძრაობის რეგულირებისა და საგზაო ნიშნების განთავსების შესახებ“, რომლის საფუძველზეც საგზაო ნიშნები განთავსდება, შემდეგი თანმიმდევრობით: ა) თამარ მეფის სანაპიროს დასაწყისში (პირველი სკოლის მიმდებარე ტერიტორიაზე) და გოგებაშვილისა და თამარ მეფის სანაპიროს კვეთაზე დამონტაჟდეს საგზაო ნიშანი „ღერძზე დატვირთვის შეზღუდვა“ 5 ტ. ზემოთ აკრძალულია (N3.12. - 2 ცალი); ბ) მეორე საჯარო სკოლის წინ, ქუჩის ორივე მხარეს დამონტაჟდეს საგზაო ნიშანი დგომა აკრძალულია; (N 3.28—2 ცალი); გ) შეიცვალოს ბერიას ქუჩაზე ცალმხრივი მოძრაობა; მოიხსნას ბერიას ქუჩაზე ც. დადიანის ქუჩის მხრიდან საგზაო ნიშანი „შესვლა აკრძალულია“ და დამონტაჟდეს ბერიას ქუჩაზე თი-ბი-სი ბანკის მიმდებარე ტერიტორიაზე საგზაო ნიშანი „შესვლა აკრძალულია.“ ც. დადიანის ქუჩის მიმართულებით, (N 3.1.--1 ცალი.) აგრეთვე ყოფილი უნივერმალის შენობის უკან ტაქსების გამოსასვლელთან დამონტაჟდეს საგზაო ნიშანი მარცხნივ მოძრაობა ც. დადიანის ქუჩის მიმართულებით აკრძალულია (N 3,18,2,-- 1 ცალი); დ) შეიცვალოს 9 აპრილის ქუჩაზე ცალმხრივი მოძრაობა; მოიხსნას 9 აპრილის ქუჩაზე სტალინის ქუჩის კვეთასთან საგზაო ნიშანი მოძრაობა აკრძალულია და დამონტაჟდეს 9 აპრილის ქუჩაზე ც. დადიანის ქუჩის კვეთასთან. ( N 3,2,--1 ცალი.); ე) ჭყონდიდელისა და თ. ქაჯაიას ქუჩების გადაკვეთაზე ჭყონდიდელის ორივე მხრიდან დაემატოს საგზაო ნიშანი „სდექ“ გაუჩერებლად გასვლა აკრძალულია (N 2,5-2 ცალი).



გამომსვლელის განცხადებით, წარმოდგენილი პროექტი აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია საკრებულოს სხდომაზე მისი დამტკიცება.

კენჭი ეყარა წარმოდგენილ დადგენილების პროექტს

კენჭისყრას ესწრებოდა საკრებულოს 20 წევრი

კენჭისყრის შედეგები:

მომხრე – 20, წინააღმდეგი – 0

(კენჭისყრას არ ესწრებოდნენ: მ. ნადარაია, ი. გოგოლაძე, თ. გულუა)

#### გადაწყვეტილება მიღებულია

(დადგენილება N2 ოქმს თან ერთვის)

3. „ხობის მუნიციპალიტეტის გამგებლისათვის ა(ა)იპ „ხობის მუნიციპალიტეტის განათლების ცენტრის“ ბალანსზე რიცხული ამორტიზებული ქონების ჩამოწერაზე თანხმობის მიცემის შესახებ“ განკარგულების პროექტის განხილვა;

(მომხსენებელი: გ. ქაჯაია - ხობის მუნიციპალიტეტის გამგებელი;

თანამომხსენებელი: ა. ვარდია - - ხობის მუნიციპალიტეტის გამგეობის

ეკონომიკური განვითარებისა და ქონების მართვის სამსახურის უფროსი)

მოისმინეს: ა. ვარდია - მომხსენებელმა საკრებულოს წევრებს გააცნო განკარგულების პროექტი „ხობის მუნიციპალიტეტის გამგებლისათვის ა(ა)იპ „ხობის მუნიციპალიტეტის განათლების ცენტრის“ ბალანსზე რიცხული ამორტიზებული ქონების ჩამოწერაზე თანხმობის მიცემის შესახებ“

სხდომის თავმჯდომარემ აღნიშნა, რომ ბიუროს სხდომაზე დაისვა კითხვები, ა(ა)იპ „ხობის მუნიციპალიტეტის განათლების ცენტრის“ და ა(ა)იპი „ხობის მუნიციპალიტეტის კულტურის ცენტრთან“ გაერთიანების შემდგომ რატომ გახდა აუცილებელი განათლების ცენტრის ბალანსზე რიცხული ამორტიზებული ქონების ჩამოწერა და ყველა ტექნიკა ისე როგორაა დაზიანებული შეკეთებას, რომ არ ექვემდებარება. გამომსვლელმა იქვე მიმართა გამგეობის შესაბამისი სამსახურის უფროსს, რომ სხვა დროს, ჩამოსაწერი ქონების დათვალიერებისას, ჩართულიყო საკრებულოს შესაბამისი კომისიის რომელიმე წევრი, რათა ვიზუალურად მანც დაეთვალიერებინათ, რათა შემდგომში არ გაჩენილიყო კითხვები

აზრი გამოთქვეს: ხ. ხორავა - გამომსვლელმა განმარტა, რომ ყველა ჩამოსაწერი ქონებას თან ერთვის აუდიტის დასკვნა, ამასთან კომპიუტერები შემოწმდა გამგეობის საინფორმაციო ტექნოლოგიებით მომსახურების (აიტის) თანამშრომელის მიერაც, ჩამოსაწერი ქონება ადგილზეა და ყველა დაინტერესებულ პირს შეუძლია გადაამოწმოს.

ე. წურწუშია -გამომსვლელმა განაცხადა, რომ რა ეკონომიაც არ უნდა დაფიქსირდეს,ის მაინც არ ეთანხმება ა(ა)იპ „ხოზის მუნიციპალიტეტის განათლების ცენტრის“ და ა(ა)იპი „ხოზის მუნიციპალიტეტის კულტურის ცენტრთან“ გაერთიანებას, რადგანაც მათი გაერთიანება არაეფექტური იქნება.

სხდომის თავმჯდომარემ სთხოვა ეკონომიკური განვითარების საკითხთა კომისიის თავმჯდომარეს (გ. სიჭინავა) წარმოდგინა კომისიის დასკვნა განსახილველ საკითხთან დაკავშირებით

გ. სიჭინავა - გამომსვლელმა საკრებულოს წევრებს გააცნო კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ხოზის მუნიციპალიტეტის გამგეობის ეკონომიკური განვითარებისა და ქონების მართვის სამსახურის მიერ წარმოდგენილ იქნა განკარგულების პროექტი „არასამეწარმეო (არაკომერციული) იურიდიული პირის, ა(ა)იპ ხოზის მუნიციპალიტეტის განათლების ცენტრის ბალანსზე რიცხული ძირითადი აქტივების ჩამოწერაზე ხოზის მუნიციპალიტეტის გამგებლისთვის თანხმობის მიცემის შესახებ“, რომლის თანახმადაც ითხოვენ გამგებლისთვის თანხმობას განათლების ცენტრის ბალანსზე რიცხული კომპიუტერების კომპლექტის ჩამოწერაზე. პროექტს თან ერთვის აუდიტის დასკვნები, სადაც აღნიშნულია, რომ პროექტში ჩამოთვლილი ქონება გაცვეთილია და არ ექვემდებარება შეკეთებას და მათ არ გააჩნიათ საბალანსო ღირებულება. გამომსვლელის განცხადებით, გამგეობის მიერ წარმოდგენილ განკარგულების პროექტში კომისიის მხრიდან შეტანილ იქნა გარკვეული კორექტივები და სამართლებრივი აქტი მოყვანილ კანონშესაბამისობაში, კერძოდ: განკარგულების სათაური ჩამოყალიბდა შემდეგი შინაარსით: „ხოზის მუნიციპალიტეტის გამგებლისათვის ა(ა)იპ „ხოზის მუნიციპალიტეტის განათლების ცენტრის“ ბალანსზე რიცხული ამორტიზებული ქონების ჩამოწერაზე თანხმობის მიცემის შესახებ“, ხოლო განკარგულების პრეამბულა და პირველი პუნქტი შეიცვალა და ჩამოყალიბდა შემდეგი შინაარსით: „საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის, მე-2 პუნქტის „ბ“ ქვეპუნქტით, მე-3 პუნქტის, „საბიუჯეტო ორგანიზაციებში ქონების მოთხოვნებისა და ვალდებულებების ინვენტარიზაციის ჩატარების წესის დამტკიცების შესახებ“ საქართველოს ფინანსთა მინისტრის 2010 წლის 23 ივლისის N605 ბრძანებისა და „ადგილობრივი თვითმმართველი ერთეულისა და ადგილობრივი თვითმმართველობის მიერ დაფუძნებული იურიდიული პირების საკუთრებაში არსებული ქონების ინვენტარიზაციის და ამორტიზირებული ან გამოუყენებელი ქონების ჩამოწერის წესის დამტკიცების შესახებ“ ხოზის მუნიციპალიტეტის საკრებულოს 2009 წლის 25 ივნისის N123 დადგენილების შესაბამისად: მიეცეს თანხმობა ხოზის მუნიციპალიტეტის გამგებელს



ა(ა)იპ „ხოზის მუნიციპალიტეტის განათლების ცენტრის“ ბალანსზე რიცხული ამორტიზებული ქონების ჩამოწერაზე თანახმად დანართისა.“ განკარგულების პროექტში შეტანილი ცვლილებების გათვალისწინებით კომისიას მიზანშეწონილად მიაჩნია საკრებულოს სხდომაზე მისი დამტკიცება.

კენჭი ეყარა წარმოდგენილ განკარგულების პროექტს

კენჭისყრას ესწრებოდა საკრებულოს 22 წევრი

კენჭისყრის შედეგები:

მომხრე – 22, წინააღმდეგი – 0

(კენჭისყრას არ ესწრებოდა: ვ. ლატარია)

#### გადაწყვეტილება მიღებულია

(განკარგულება N3 ოქმს თან ერთვის)

4. „სოფლის მხარდაჭერის პროგრამის ფარგლებში განსახორციელებელი პროექტების შესახებ ხოზის მუნიციპალიტეტის საკრებულოს 2016 წლის 7 მარტის N26 განკარგულებაში ცვლილებების შეტანის თაობაზე“ განკარგულების პროექტის განხილვა;

(მომხსენებელი: გ. ქაჯაია - ხოზის მუნიციპალიტეტის გამგებელი;

თანამომხსენებელი: ზ. ბუკია - - ხოზის მუნიციპალიტეტის გამგეობის ინფრასტრუქტურის, ურბანული განვითარებისა და არქიტექტურის სამსახურის უფროსი)

მოისმინეს: ზ. ბუკია - მომხსენებელმა საკრებულოს წევრებს გააცნო განკარგულების პროექტი „სოფლის მხარდაჭერის პროგრამის ფარგლებში განსახორციელებელი პროექტების შესახებ ხოზის მუნიციპალიტეტის საკრებულოს 2016 წლის 7 მარტის N26 განკარგულებაში ცვლილებების შეტანის თაობაზე“

სხდომის თავმჯდომარემ მიმართა საკრებულოს წევრებს, გამოეთქვათ შენიშვნები და მოსაზრებები წარმოდგენილ საკითხთან დაკავშირებით. საკრებულოს წევრების მხრიდან რაიმე სახის მოსაზრება არ გამოთქმულა, რის შემდგომაც სთხოვა ეკონომიკური განვითარების საკითხთა კომისიის თავმჯდომარეს (გ. სიჭინავა) წარმოედგინა კომისიის დასკვნა განსახილველ საკითხთან დაკავშირებით

გ. სიჭინავა - გამომსვლელმა საკრებულოს წევრებს გააცნო კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ გამგეობის მიერ წარმოდგენილი განკარგულების პროექტის თანახმად ცვლილებები ხორციელდება „სოფლის მხარდაჭერის პროგრამის ფარგლებში განსახორციელებელი პროექტების შესახებ“ ხოზის მუნიციპალიტეტის საკრებულოს 2016 წლის 7 მარტის N26 განკარგულებაში, კერძოდ საანგარიშო წლის განმავლობაში, მუნიციპალიტეტის

დასახლებებში მოსახლეობის მიერ პრიორიტეტულად მიჩნეული პროექტების განხორციელების პროცესში წარმოიშვა ეკონომია ჯამში 21457 ლარის ოდენობით, რომლითაც შესაძლებელია განხორციელდეს ნოჯიხევის ადმინისტრაციული ერთეულის N2 საბავშვო ბაღის ეზოს კეთილმოწყობის სამუშაოები. აღნიშნული 21457 ლარიდან საპროექტო სახარჯთაღრიცხვო სამუშაოებისათვის გამოიყოფა - 600 ლარი, ეზოს კეთილმოწყობის სამუშაოებისათვის - 20857 ლარი. დაგეგმილი სამუშაოს მიხედვით დასახლებებისთვის გათვალისწინებული თანხების „სოფლის მხარდაჭერის პროგრამის დამტკიცების შესახებ“ საქართველოს მთავრობის 2016 წლის 4 თებერვლის №54 დადგენილებით დამტკიცებული პროგრამის მე-2 მუხლის მე-7 პუნქტის შესაბამისად გადანაწილებისა და მიღებული ეკონომიის ფარგლებში დამატებით განსახორციელებელი სამუშაოებისთვის აუცილებელი თანხების შესაბამისი დასახლებებისთვის განაწილების მიზნით, დაკორექტირდა შესაბამისი მონაცემები, რაც ასევე იწვევს „სოფლის მხარდაჭერის პროგრამის ფარგლებში განსახორციელებელი პროექტების შესახებ“ ხობის მუნიციპალიტეტის საკრებულოს 2016 წლის 7 მარტის №26 განკარგულების დანართში სათანადო ცვლილების აუცილებლობას. ზემო აღნიშნულის გათვალისწინებით ხობის მუნიციპალიტეტის გამგეობის ინფრასტრუქტურის, ურბანული განვითარებისა და არქიტექტურის სამსახურის წინადადების საფუძველზე, მომზადდა ხობის მუნიციპალიტეტის საკრებულოს განკარგულების პროექტი „სოფლის მხარდაჭერის პროგრამის ფარგლებში განსახორციელებელი პროექტების შესახებ“ ხობის მუნიციპალიტეტის საკრებულოს 2016 წლის 7 მარტის №26 განკარგულებაში ცვლილების შეტანის თაობაზე“. გამომსვლელის განცხადებით, წარმოდგენილი პროექტი აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია საკრებულოს სხდომაზე მისი დამტკიცება.

კენჭი ეყარა წარმოდგენილ განკარგულება პროექტს

კენჭისყრას ესწრებოდა საკრებულოს 23 წევრი

კენჭისყრის შედეგები:

მომხრე – 23, წინააღმდეგი – 0

გადაწყვეტილება მიღებულია

(განკარგულება N4 ოქმს თან ერთვის)

5. „ხობის მუნიციპალიტეტის საკრებულოს 2017 წლის სამუშაო გეგმის დამტკიცების შესახებ“ განკარგულების პროექტის განხილვა.

(მომხსენებელი: ნ. შუმანია - სამანდატო - საპროცედურო საკითხთა კომისიის თავმჯდომარე).



მოისმინეს: ნ. შუმანია - მომხსენებელმა საკრებულოს წევრებს გააცნო განკარგულების პროექტი „ხოზის მუნიციპალიტეტის საკრებულოს 2017 წლის სამუშაო გეგმის დამტკიცების შესახებ“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ კომისიის მიერ მომზადდა საკრებულოს 2017 წლის სამუშაო გეგმა საკრებულოს კომისიების წლიური გეგმისა და გამგეობის მიერ 2017 წელს მოსამზადებელი პროექტების გათვალისწინებით, რომელიც გათვლილია კვარტლების მიხედვით. გამომსვლელის განცხადებით, პროექტი მომზადებულია კანონის მოთხოვნათა შესაბამისად და კომისიას მიზანშეწონილად მიაჩნია საკრებულოს სხდომაზე მისი დამტკიცება.

სხდომის თავმჯდომარემ მიმართა საკრებულოს წევრებს, გამოეთქვათ შენიშვნები და მოსაზრებები წარმოდგენილ საკითხთან დაკავშირებით. საკრებულოს წევრების მხრიდან რაიმე სახის მოსაზრება არ გამოთქმულა.

კენჭი ეყარა წარმოდგენილ განკარგულება პროექტს

კენჭისყრას ესწრებოდა საკრებულოს 23 წევრი

კენჭისყრის შედეგები:

მომხრე – 23, წინააღმდეგი – 0

გადაწყვეტილება მიღებულია

(განკარგულება N5 ოქმს თან ერთვის)

დღის წესრიგით გათვალისწინებული საკითხების ამოწურვის შემდგომ სხდომა დახურულად გამოცხადდა.

სხდომის თავმჯდომარე



ედიშერ ჯობავა

## ხოზის მუნიციპალიტეტის საკრებულო

---

მესამე მოწვევის საკრებულოს 2017 წლის 31 იანვრის სხდომაზე დამსწრე საკრებულოს

წევრთა სია

1. ედიშერ ჯობავა
2. მამუკა ქარდავა
3. გოჩა სიჭინავა
4. ტარიელ ალექსანდრია
5. დოდო გაბუნია
6. ლაშა ცატავა
7. ნუგზარ შუშანია
8. ლევან ქავთარაძე
9. თემურ გულუა
10. როსტევეან გვარამია
11. მალხაზ ლაგვილავა
12. ედიშერ წურწუმია
13. მერაბ ნადარია
14. მალხაზ ყურუა
15. ლეონიდე ლოლუა
16. მერაბ ფილიპია
17. ბეჟან ქირია
18. მელორ გელანტია
19. იგორ გოგოლაძე
20. მზია ლემონჯარია
21. შადიმან ჭილაია
22. ფრიდონ შონია
23. კახა ლატარია